



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 58. Wirtenbergensium Ordinum Lutheranorum frivola cavillatio contra
Ducissam Viduam.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

ratus, Nuntium monebat, ut parcius Sæc. XVIII.
 magisque circumspecte loqueretur, præ- A. C. 1740.
 fertim ubi de honore Regis sui agere-
 tur; secus enim ipse pro suo Francisci
 Oratoris munere satisfactionem minus
 gratam poscere cogeretur: His tamen
 Nuntius musitando potius quam lo-
 quendo pauca reponens, insalutato Le-
 gato discessit: Ea res tamen postmo-
 dum ad Benedicti XIV. Pontificis aures
 delata est, cujus denique studio lis per
 mutuam præteritorum oblivionem pro-
 curatam, & futuorum cautelam dex-
 terrime composita fuit.

§. LVIII.

*Württembergensium Ordinum Luthe-
 ranorum frivola cavillatio contra
 Ducissam Viduam.*

Quantumvis Carolus Alexander Wir-
 tembergæ Dux ante obitum suum
 testamenti tabulis provide prospexerit,
 ut relictæ ejus tres Filii plena fidei
 Catholicæ exercendæ libertate frue-
 rentur, nihilominus Lutherani Provin-
 ciales Ordines eandem hoc anno re-
 stringere attentarunt. Occasio illius
 erat hæc: Fridericus Eugenius tertio
 genitus defuncti Ducis Filius, cum a
 teneris ævum ad Clericalem Statum
 sacrasque spes adjicere, haudque alio
 magis

Sæc. XVIII magis studio quam sacro delectari
 A. C. 1740. deretur, a Clemente XII. Papa inter-

Canonicos Salisburgenses annumeratus est: Ad id tamen requirebatur, ut juvenis Princeps *prima*, ut vocantur, tonsura initiaretur: quem in finem etiam Comes de Fugger Constantiensis Suffraganeus Stutgardiam venit. Tum vero Prædicantes altum in clamare, cælum & acheronta movere, violatam pacem & pacta obijcere: Erant tum Provinciales Ordines secta Lutherani Stutgardiae congregati, quibus facile persuasum, sacra hac functione actum jurisdictionis Ecclesiasticæ & quidem a Catholico Ordinario in terra & Ducatu Protestantico exerceri, proin pacem Westphalicam, & nuperam transactionem, datamque fidem infringi, & Religioni Lutheranae damnum nullo remedio sanandum inferri: Eapropter cum periculum in mora esset, Carolus Rudolphus Ducatus Administratorem impense rogant, ut pro aver-tendo tam manifesto præjudicio, quidquid bonum ac necessarium videretur, sine ulla tergiversatione decerneret. Attamen hic jam pridie hanc rem edoctus, cum secretioris Consilii Viris desuper consultationem habuit, & summo mane alterius diei Mariam Augustam Principis Matrem de Ordinum oppo-

Sæc. XVIII.

A.C. 1740.

oppositione certiore reddidit. Hæc
 vero Eidem reposuit, se rogante ac
 petente Ordinarium Constantiensem
 huc venisse, seque jure suo usam fuisse:
 Matris enim officio teneri se, ut proles
 suas in fide Catholica, cunctisque ab
 eadem præscriptis rite imbui curaret;
 Fridericum ejus Filium sacro Ordini
 esse destinatum, Filiam vero Confir-
 mationis Sacramento nondum esse mu-
 nitam, utrumque vero actum non nisi
 a legitimo Episcopo exerceri posse, ac
 propterea hunc fuisse a se evocatum &c.
 His perceptis ex Proceribus non nemo
 petiit, ut facultatis Suffraganeo datæ
 literas testimoniales inspicere sibi lice-
 ret: Nec id abnuit Serenissima Vidua
 quæ mox Cubicularium suum ablega-
 vit, ut illas ex Cancellaria asportaret:
 Eo autem temporis momento rumor
 invaluit de incendio in ipsa Ducali arce
 exorto, quo tamen brevi extincto, die
 tertia Martii Suffraganeus Juvenem
 Principem collata tonsura ad Clerica-
 lem Statum deputavit, eademque oc-
 casione ejus Sorori Augustæ Elisa-
 bethæ necnon aliis huc accurrentibus
 Confirmationis Sacramentum imper-
 titiv.